



## Հովհաննես Շիրազ

### Երկնքի սպիտակ, սպիտակ շուշաններ

Երկնքի սպիտակ, սպիտակ շուշաններ,  
Իջնում եք անշուկ, իջնում եք ձյուն դառած,  
Իջնում եք՝ պարուրում անտառներ ու դաշտեր,  
Ու ծածկում իմ աչքից ձորերն իմ թափառած:

Թափվեցե՛ք, իմ ձյուներ, երազներ քնքշաթով,  
Թափվեցե՛ք, ծածկեցե՛ք ձորերն իմ հուշերի,  
Ա՛խ, հուշերն ինձ անգամ խոցում են շուկով,  
Հուշերիս քուն բերեք մոռացման գիշերի:

Ես ամեն ինչի մեջ նրան եմ տեսնում դեռ,  
Ոտքերի հետքերն եմ նշմարում քարերին,  
Փռեցե՛ք մոռացման սավաններն, իմ ձյուներ,  
Նրա հետ թափառած իմ բոլոր ճամփեքին:

Թող իջնի մազերիս ձմեռը տխրաձայն,  
Միայն թե մոռանամ, հեռանամ հուշերից,  
Ա՛խ, իմ դառն հուշերը չպիտի քաղցրանան,  
Թեկուզև մազերիս ձյունն իջնի՝ ծածակի ինձ...